

14. *Quid est Concilium generale sive œcumenicum?*

Est conventus omnium, vel potiorum totius orbis Episcoporum, cui vel Papa ipse, vel ejus Legati præsentent, ubi quæstiones de Religione potissimum controversæ deciduntur. Concilium hujusmodi universam refert Ecclesiam, neque in definiendis fidei dogmatis errare unquam potest. Contra Concilium sine Papa acephalum est, neque de ullo potest dogmate decisionem facere.

15. *Quid est Concilium particulare?*

Quod ab Archiepiscopis & Episcopis nationis cujusdam sub Patriarcha, vel Primate; vel à Provincia alicujus Episcopis cum, & sub suo Archiepiscopo, rebus singularium quarundam Ecclesiarum ita exigentibus celebratur. Illud vocatur Concilium *Nationale*, ipsum *Provinciale*; neutrum tamen, quod ad fidei dogmata attinet, certæ & indubitatæ est auctoritatis; multò minùs Synodus Diocesana, à Diœcesis cujusdam Clero cum & sub suo Episcopo celebrari solita.

## Historia Ecclesiastica.

### *Seculum I.*

1. *Quinam Pontifices seculo primo Christi Ecclesiam rexêre?*

1. S. Petrus <i>ad An. Ch.</i> 65	4. S. Cletus <i>ad</i> 83
2. S. Linus 67	5. S. Anacletus 95
3. S. Clemens 77	6. S. Euaristus 108

2. *Quid*